

व्य॒श्र॒स॒न्त॒र्त॒वस्ते॒ प॒ञ्च॒ वा॒ऽऋ॒त॒वः॒ प॒ञ्चै॒ताश्चि॒त॒य॒स्त॒द्यत्प॒ञ्च॒ चि॒तीश्चि॒नो॒त्य॒तुभि॒रे॒-
 वै॒नं॒ त॒च्चि॒नो॒ति॒ य॒च्चि॒नो॒ति॒ त॒स्माच्चि॒त॒यः॒ ॥ १८ ॥ स॒ यः स॒ सं॒वत्स॒रः॒ प्र॒जा॒प॒तिर्व्य॒-
 स्र॒स॒न्त॒ । अ॒यमे॒व स॒ वा॒यु॒र्यो॒ऽयं॒ प॒वते॒ऽथ॒ या॒ अस्य॒ ता॒ ऋ॒त॒वः॒ प॒ञ्च॒ त॒न्वो॒ व्य॒-
 स्र॒स॒न्त॒ दि॒शस्ताः॒ प॒ञ्च॒ वै दि॒शः॒ प॒ञ्चै॒ताश्चि॒त॒य॒स्त॒द्यत्प॒ञ्च॒ चि॒तीश्चि॒नो॒ति॒ दिग्भि॒रे॒-
 वै॒नं॒ त॒च्चि॒नो॒ति॒ य॒च्चि॒नो॒ति॒ त॒स्माच्चि॒त॒यः॒ ॥ १९ ॥ अ॒थ॒ य॒श्चिते॒ऽग्नि॒र्निधी॒यते॒ । अ॒सौ
 स॒ आ॒दि॒त्यः॒ स॒ ए॒ष॒ ए॒वैषो॒ऽग्निश्चित॒ ए॒ता॒वन्नु॒ तद्य॒दे॒न॒म॒ग्निः॒ स॒म॒द॒धात् ॥ २० ॥ ॥ श॒-
 त॒म् ३४०० ॥ ॥ अ॒थो॒ आ॒हुः॒ । प्र॒जा॒प॒तिरे॒व वि॒स्र॒स्तो दे॒वा॒न॒ब्र॒वीत्सं॒ मा ध॒त्तेति॒
 ते॒ दे॒वा॒ अ॒ग्नि॒म॒ब्रु॒वंस्त्व॒यीमं॒ पि॒त॒रं॒ प्र॒जा॒प॒तिं॒ भिष॒ज्यामे॒ति॒ स॒ वा॒ऽअ॒हु॒मे॒त॒स्मि॒त्स॒-
 र्व॒स्मि॒न्ने॒व वि॒शानी॒ति॒ तथे॒ति॒ त॒स्मादे॒तं॒ प्र॒जा॒प॒ति॒ऽस॒न्त॒म॒ग्नि॒रित्या॒चक्ष॒ते ॥ २१ ॥
 तं॒ दे॒वा॒ अ॒ग्रा॒वा॒हु॒ति॒भि॒र॒भिष॒ज्यन्॒ । ते॒ यां॒-या॒मा॒हु॒ति॒म॒जु॒रु॒वुः॒ सा॒-सै॒नं प॒क्वेष्ट॒का
 भू॒त्वा॒प्य॒प॒द्यत॒ तद्य॒दिष्टा॒त्स॒म॒भ॒वं॒स्त॒स्मादिष्ट॒कास्त॒स्माद॒ग्नि॒नेष्ट॒काः॒ प॒च॒त्या॒हु॒ती॒रु॒वै॒-
 ना॒स्त॒त्कु॒र्वन्ति॒ ॥ २२ ॥ सो॒ऽब्र॒वीत् । या॒व॒द्या॒व॒द्वै जु॒हु॒थ॒ ता॒व॒त्ता॒व॒न्मे कं॒ भ॒वती॒ति॒
 तद्य॒द॒स्मा॒ऽइष्टे॒ क॒म॒भ॒व॒त्त॒स्माद्वै॒ष्ट॒काः॒ ॥ २३ ॥ त॒द्वा॒ स्मा॒हु॒क्ता॒द्यः॒ । य॒ ए॒व॒ य॒जु॒-
 ष्म॒ती॒र्भू॒यसी॒रिष्ट॒का॒ वि॒द्या॒त्सो॒ऽग्निं॒ चि॒नु॒या॒दूय॒ ए॒व॒ त॒त्पि॒त॒रं॒ प्र॒जा॒प॒तिं॒ भिष॒ज्यती॒-
 ति॒ ॥ २४ ॥ अ॒थ॒ ह॒ स्मा॒हु॒ ता॒ण्ड्यः॒ । क्ष॒त्रं॒ वै य॒जु॒ष्म॒त्य॒ इष्ट॒का॒ वि॒शो लो॒क॒म्पृ॒णा
 अ॒त्ता॒ वै क्ष॒त्रि॒यो॒ऽन्नं॒ वि॒द्य॒त्र॒ वा॒ऽअ॒तु॒र॒न्नं॒ भू॒यो भ॒वति॒ त॒द्वाष्ट॒ऽस॒मृ॒द्धं॒ भ॒वति॒
 त॒दे॒धते॒ त॒स्मा॒ल्लो॒क॒म्पृ॒णा॒ ए॒व॒ भू॒यसी॒रु॒प॒द॒ध्या॒दि॒त्ये॒त॒द॒ह॒ त॒योर्वि॒चो॒ऽन्या॒ त्वे॒वा॒त
 स्थि॒तिः॒ ॥ २५ ॥ स॒ ए॒ष॒ पि॒ता॒ पु॒त्रः॒ । य॒देषो॒ऽग्नि॒म॒सृ॒जत॒ ते॒नैषो॒ऽग्नेः॒ पि॒ता॒ य॒दे॒त॒-
 म॒ग्निः॒ स॒म॒द॒धा॒त्ते॒नै॒त॒स्या॒ग्निः॒ पि॒ता॒ य॒देष॒ दे॒वा॒न॒सृ॒जत॒ ते॒नैष॒ दे॒वा॒नां॒ पि॒ता॒ य॒दे॒तं॒
 दे॒वाः॒ स॒म॒द॒धु॒स्ते॒नै॒त॒स्य॒ दे॒वाः॒ पि॒त॒रः॒ ॥ २६ ॥ उ॒भ॒य॒ऽहै॒त॒द्भव॒ति॒ । पि॒ता॒ च॒ पु॒त्रश्च॒
 प्र॒जा॒प॒तिश्चा॒ग्निश्चा॒ग्निश्च॒ प्र॒जा॒प॒तिश्च॒ प्र॒जा॒प॒तिश्च॒ दे॒वाश्च॒ दे॒वाश्च॒ प्र॒जा॒प॒तिश्च॒ य॒ ए॒वं
 वे॒द ॥ २७ ॥ स॒ उ॒प॒द॒धा॒ति॒ । त॒या॒ दे॒व॒त॒ये॒ति॒ वा॒ग्वै सा॒ दे॒व॒ता॒ङ्गि॒र॒स्व॒दि॒ति॒ प्रा॒णो